

HISPANIA:

758

Urbium nomina.

Lacus.

Flumina.

gonum, Portugallia, Granata & Navarra. Partiuntur autem nova distributione totum Imperium in tria regna, Aragonia scilicet, Castilia & Portugallia. Sub Aragonensi regno comprehenditur, præter Aragoniam, *Catalonia, Valentia, Majorica, Minorica*. Sub regno Castilia comprehenditur *Biscia, Leon, Asturia, Galacia, Extremadura, Andalusia, Granata, Murcia, Utraque Castilia*, cum accessione Canariarum Insularum. Sub regno Portugallia comprehenditur, præter Portugalliam, *Algarbia*. Urbes in toto regno pæne sunt innumeræ. Inter eas præcipuæ, *Hispalis, Madritum, Tarraco, Lisbona, Granata, Pampilona, Valentia, Barcino* vulgo *Barzelona*, Legio vii Germanica nunc *Leon, S. Lucar, Corduba, Nebrissa, Compostella, Toletum, Salamantica, Complutum, Pinitia, Caesar-Augusta* nunc *Saragossa, Asturica Augusta*, aliæque plurimæ. Sunt hic Lacus admirabiles. Prope opidum *Beiarum* Lacus est non utilis minus quam admirabilis; qui & Turtures, pisces subnigros & excellentes, gignit, & futuram pluviam turbineque, teste *Marinæo Siculo*, magno aëris sonitu prænunciat; adeo ut ejus murmur quasi Tauri mugitus sæpenumero ad duodeviginti millia pass. fuerit auditum. In summo *Montis Stella* cucumine Lacus quidam est, scribente *Vasæo*, in quo fragmenta navium subinde reperiuntur, quum tamen a mari plus xli leucis absit: quin quod exæstuet & tempestates ibi audiantur, adfirmare Incolas, quoties intumescit mare, idem notat. In *Cantabria* Lacum fulmen decidisse, & repertas duodecim Secures, ait *in Galbæ* vita diligentissimus scriptor *Suetonius*. *Amænum Stagnum* est apud *Plinium lib. iii natur. histor. cap. ii i*, haud procul *Valentia*: hodie *Albufera*. Sequuntur Flumina. Hispania multis passim irrigatur Fluviis. Sunt qui centū & quinquaginta numerant, & in iis Pontes ultra septingentos, inter quos nobilissimi *Segoviae & Alcantaræ*. Alii aliis sunt nobiliores. *Iberus* *Ptolemæo*, *Ebro* hodie, erumpit apud *Cantabros* ex *Idubeda* Monte, duobus Fontibus quorum dexter in saltu *Aucensi* (*Monte d' Oca*) sinister ad opidum, quod incolis *Fuentibre*. Inde magnis crescens amnis, primo *Calaguritanis* exceptus arvis (*Calahorra*) *Iuliobrigam* & *Tubellam* petit, *Navarræ* opida; *Iuliam*que & *Celsam*, inde *Cæsar-Augustam* alluit. Illinc digressus in Austrum, & mox versus Euronotum labitur per *Lalitanie* populos, qui nunc *Catalani*, & *Dertusam* opulentam urbem præterlabitur. Postremo plurimis fluviiis auctus, peracto quadringentorum sexaginta mill. pass. cursu, in *Mediterraneum*, cognomine ipsi, *Pelagus* tam violenter duobus Ostiis ingreditur, ut L. passus in mare profusus dulcis hauriatur. *Durius* maximus (concurrentibus in eum tot amnis quos enumerare longum esset) *Hispanie* fluvius ex *Idubeda*, ubi nomen illi *Sierra de Cogolo* scaturiens, *Vectones* ab *Asturibus*, *Lusitanos* ab *Gallæcis* Veteribus determinat. *Turrem Sullanam* (*Tordefillas*) *Salabrim*, *Mirandam* & alia opida contemplatus, decimo quinto fere infra *Lamecam* milliari, apud opidum *Portugallie*, quod *Portus* dicitur, rapidissimo cursu, Occidentali se miscet Oceano: *Durius*, *Ptolemæo*; *Durias* *Straboni Duero* hodie. *Tagus*, *Ptolemæo* ceterisque, nascitur in altissimis *Orospede* jugis, stadiis quinquaginta ab Opido parvo, cui nomen *Tragacet*, haud procul ab urbe *Concia* nunc *Cuença*. Per *Carpetanos* lapsus *Toletum*, Regalem urbem, petit, ponteque accepto, *Talaveram*, *Augustobrigam*, *Alcantaræ* aliasque urbes non ignobiles alluens, mediam fere secans *Portugalliam*, ultra *Olisipponam* in Occiduum se exonerat.